

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona”, broj: 7/10), a u skladu sa Zaključkom o usvajanju Programa utroška sredstava planiranih u Budžetu Zeničko-dobojskog kantona za 2021. godinu na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 „Tekući transferi drugim nivoima vlasti“, subanalitika LAX010 „Tekući transfer za JU Kantonalna bolnica Zenica“, broj: 02-11-7757/21 od 31.05.2021. godine, na prijedlog Ministarstva zdravstva, Vlada Zeničko-dobojskog kantona, na 111. sjednici, održanoj dana 01.07.2021. godine, d o n o s i

ODLUKU

o odobravanju sredstava JU Kantonalna bolnica Zenica za usluge održavanja medicinske opreme proizvođača „Fresenius“

Član 1. (Predmet)

(1) Odobravaju se sredstva JU Kantonalna bolnica Zenica u ukupnom iznosu od 44.460,00 KM (slovima: četrdesetčetirihiljadečetiristotinešezdeset konvertibilnih maraka) za nabavku usluga održavanja medicinske opreme proizvođača „Fresenius“.

(2) Odobrena sredstva se odnose na realizaciju Okvirnog sporazuma o nabavci usluga broj: 20/1-9535 od 30.09.2019. godine, zaključenog sa „Fresenius Medical Care BH“ d.o.o. Sarajevo i to na dvanaest mjesečnih rata po 3.705,00 KM.

Član 2. (Analitička konta)

(1) Sredstva iz člana 1. ove Odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21) sa razdjela 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX010, pozicija „Tekući transfer za Kantonalnu bolnicu Zenica“.

(2) Sredstva odobrena Odlukom će se transferisati na račun JU Kantonalna bolnica Zenica broj: 1340100000339717 otvoren kod ASA banke, na osnovu zaključenog ugovora o nabavci i Odluke i to u dva dijela: iznos od 22.230,00 KM po donošenju Odluke, a ostatak u iznosu 22.230,00 KM bit će transferisan 31.10.2021. godine.

Član 3. (Provođenje Odluke)

Za provođenje ove Odluke zadužuju se Ministarstvo zdravstva, Ministarstvo finansija Zeničko-dobojskog kantona i JU Kantonalna bolnica Zenica, svako u okviru svoje nadležnosti.

Član 4.
(Izveštavanje)

JU Kantonalna bolnica Zenica je dužna izvijestiti Ministarstvo zdravstva o namjenskom utrošku sredstava, dostavljanjem svih ispostavljenih faktura i dokaza o uplati sredstava dobavljaču.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-11-9367/21

Datum, 01.07.2021. godine
Zenica

DOSTAVLJENO

1x Ministarstvo zdravstva,
1x Ministarstvo finansija,
1x JU Kantonalna bolnica Zenica, putem Ministarstva,
1x „Službene novine Zeničko-dobojskog kantona“
1x a/a.